



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hiervsalem Nova

Mosham, Ruprecht von

[Köln], 1540

VD16 M 6428

Der Erst staffel.

urn:nbn:de:hbz:466:1-36780

Das neww Hiernsalem/
Volgen andere vier grad vnd staffel/

dadurch wir die erkennnus Gottes/ vnd
vnnsern glauben bey vns vnd in
vns sollen hayen/ mehrer
vnd bestercken.

¶ Der Erst staffel.

Nun wollen wir kürzlich zu den vier andern
staffeln/ dadurch die erkennnus gottes inn
vns gemehret vnd besterckt/ der glaub ges
hayet vnd erhalten wirdet/ komen vnd greiffen. Dy
weyl dann nicht genüg ist/ das wir Got vnd vns selbs/
durch die dreyerley erkennnus erkennen/ ist auch nicht
genüg das wir wissen/ das wir vñ natur vnghaubig sein/
das wir aus vnnsern aignen krefft/ dem wort gottes
weder glauben noch gehorsam sein mögen / das wir we
der die lieb gottes noch des negsten/ aus vns selbs zulais
sten vermögen/ Sonnder das wir solchs von Got durch
Christu/ mit ainē embsigen/ vnablässigē gebet erlangē
sollen vnd müssen/ Ist auch nicht genüg das wir wissen
vnd verstehen/ das es alles an dem ainigen glauben als
lain hanngt vnd gelegen ist/ vnd das vmb den selben an
mausten/ ersten vnd fürnehmsten zubieten ist/ Solches

HIERVSALEM NOVA.

alles ist nicht genüz/ wiewol dyses nicht die geringsten
artickei vnserß glaubens sein / Sonnder ist rber söliches
alles oberzets noch weiter von nöten / das wir glauben
vnd wissen/vnd nicht zweyffeln/ das wir die erkennnis
gottes vnd vnserß glauben/ täglich sollen mehren/ bes
stercken/darinnen zünemen/vnd wie Loth aus Sodo
ma/on umb seben fort fort geben/vnd das wort/lieb vnd
glaub allzeyt rben/täglich in der erkennnis gottes vol
kümmer werden/ wie der heylig Petrus redet vnd le
ret / in der ij. Pet. am letzten / sprechennde *Crescite in
gratia & cognitione domini nostri et seruatoris Iesu
Christi*, Wachset in der genad vnd erkennnis vnserß
herren vnd heylandes Jesu Christi.

¶ Zu sölichem götlichen würcklichem werck aber/
vnd zu bestättung vnd auffnehmung vnserß glaubens
vnd erkennnis gottes/sein abermals viererley staffel
vnd höchste haubtetugende götlicher maiestet / darinn
vnserß glaub gehayet vnd gemehret/vnd die erkennnis
gottes vnd vnserß selbs bestercket vnd befrefftigt wirdet/
in dyser leer eingefürt / darinnen die dreyerley erkenn
nis vn das wort/lieb vn glaub geübt vn bestercket werde
den sollē / Nemlich *Cognitio & puestigatio summa
dei oipotētiae, summae dei iustitiae, summae dei ueritatis,*

Das newe Hierusalem /

et quarto etiã cognitio et puestigatio summe dei misericordie, Die erkantnus vñnd nachforschung höchster gottes allmechtigkait / höchster gottes gerechtigkeit / höchster gottes warheyt / vñnd zum vierden auch die erkantnus vñnd erforschung höchster gottes barmhertzigkait.

¶ Durch dyse vier höchste hauptteugende der aller höchsten göelichen maiestet / wurdet die erkantnus gottes vñnd vnser selbe / auch vnser glaub in vns mercklich bestäret vñnd besterct / vñnd gleich als mit vier bunnen den Fackeln vñnd lampen angezündet / erhitze vñnd erleuchtet / Dann wer aus dem wort / aus der heyligen schrifft / vñnd aus den wunderbarlichen wercken gottes / die höchst allmechtigkait göelicher maiestet lernet / vñnd glaube das got das aller höchst / allmechtigst güte ist / der alle ding mit dē ainigē wort gemacht vñnd beschaffen hat / sin herr hymels vñnd d erden / der auch noch vñnd auff heutigen tag alle ding / allzeit vñnd in ewigkeit / alles nach seinem willen vñnd wolgefallen regirt vñnd erhelet / außserhalb welches macht / gewalt / willen vñnd wolgefallē / niemande nichte vermag / Wer nun solches glaube (als wir dann alle glaubē sollen / ja täglich erfahren vñnd sehē / das es alles in gottes handte vñnd wolgefallen stebet) der kan dem aller höchsten / allmechtigen güte vñnd gewalt nichte widert

HIERVSALEM NOVA.

streben/ Dann wer will sich wider seinen beuelch vnd gebot legen: Wer solt oder wolt dem allmechtigen got nit gereren wollen dienen: sich dem vnterwerffen welchem niemande mag widerstreben: Wer wolt nicht den loben vnd preysen/ welcher ainig vnd allain/ ain herr hymels vnd der erden ist: welches götlichen augen nichts verborgen ist/ der alle ding im hymel vnd auff erden in grosser fürsichtigkeit erhele vnd regiret/ alle ding clam vnd groß/ in seinem gehaymen rath beratschlagt/ beschleust vnd volzeucht/ welcher auch die haar vnser haubts gezeclet hat/ On welches willen kam sperck todt auff die erden felle/ wie dann solche erkantnus der höchsten gottes allmechtigkait in vnser haubeleer genügsamblich vnd notturfteiglich eingefürt wurdet/ Wer nun allain rechte vnd beständiglich glaube (als wir dann vngezweyfelt alle glauben sollen) das Got allmechtig / vnd die aller höchst allmechtigkait ist / der hat die erkantnus gottes vnd seinen glauben fürtrefflich schon bestäetigt vnd bekrefftiget.

¶ Der Ander staffel.

¶ Wann nun ain glaubiger Christen mensch zu dem andern staffel erite vnd komet/ vnd aus dem wort